

Af'n Dorf ...

Bei uns im schaina Land,
a Oberpfalz genannt.
Dou tragt ma a schaine Tracht,
niad „Schicki-Micki“ Kleidung bis af d'Nacht.

Bei uns kann ma a gurd feiern,
dou kummt ma, kanntast moina, glei ins reiern.
Dou gaist niad ham wai'd Uhr si draht,
sondan erst frai, wenn da Gockl kraht.

Bei uns fohrst niad zum Bäcker wai in da Stod,
sondan gait ma zum Nachbarn, der hout a a breckl Brot.
Dou gibt's a koi Brötchen, oba schau,
dou gibt's a Semml mit ara halbn Sau.

Bei uns fohrst mitn Bulldog ins Mc Drive,
dou haut ma glei mal ei in'd Schleif.
Dou sagt ma dann im Dialekt,
mia houts einfach richtig guad gschmeckt.

Bei uns dou kannst auf da Strouß gwies laffn,
dou foahrns di niad wai in da Groußstod üban Haffn.
Dou haut jeda an Servus her,
a wenns oin in da frai fällt richtig schwer.

Bei uns am Dorf dou gfallts uns stets,
deswegn san ma dou a gern

... UNTERWEGS.